



UNIVERSITÄTS-
BIBLIOTHEK
PADERBORN

Universitätsbibliothek Paderborn

COLLA=||TIONVM SACRA-||RVM LIBRI VIII.

Bredenbach, Tilmann

Coloniae, 1584

VD16 B 7375

11. De Ioanne Eleemosynario, quanta humanitate vsus sit erga qandam pauperulam, atque item erga inopem quendam adolescentem.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

*Simeon Metaphrastes in vita S. Ioannis
Eleemosynarij Archiepiscopi Alexandrini.
Quanta humanitate usus sit D. Ioannes er-
ga quandam pauperulam atq; item erga in-
opem quandam adolescentem.*

CAP. XI.

Ioannes Eleemosynarius cum iret aliquan-
do ad diuinos martyres Cyrum & Ioanem
precaturus, accessit ad eum quædam pau-
percula, dicens se fuisse à genero graui iniuria
affectam, & se eius indigere auxilio. Cum ij
autem, qui erant eius vitæ comites, consule-
rent, ut dum rediret, viseret & consideraret,
quæ ad eam pertinent. Misericors ille non su-
stinuit, dicens: Sed quomodo Deus attendet
meas preces, si ego differo eius supplicatio-
nem? Quis autem fideiusserit fore, ut viuam
usque in diem crastinum, & non, si ante eam
moriar, futurum me apud Deum inexcusabi-
lem propter eius supplicationem? Hæc cum
dixisset, minimè recessit à loco, donec mulie-
ri iustum reddidisset iudicium. Hic ergo qui
summam curam gerebat indigentium, cum au-
diuisset de filio viri misericordis, quod cum
pater eius decessisset, is magna laboraret ino-
pia, propterea quod pater eius quidquid habebat,
lubenter consumpsisset in pauperes: eum
autem soli Dei parenti commendasset Mariæ,
cuius templo assidebat noctu & interdiu: ac-
cessit quandam iurisperitum & clanculum
iubet, ut in veteri charta conscribat testamen-
tum

kk

cum

tum cuiusdam viri, nomine Theopempti, dicens id ostendere, me & patrem huius pueri esse veros & germanos huius consobrinos: & ostendat puero exemplum testamenti, vicerior factus de ea, quæ illi mecum intercedit, cognatione, nihil formidet, sed audacter ad meam veniat humilitatem. Facta sunt autem omnia, sicut ei visum fuerat, & cum adolescente venit ad patriarcham iurisperitus. Scriptum ostendit testamentum. Confiteretur magnus ille cognationem, amplectitur adolescentem tanquam germani consobrini filium germanissimum. Dat ei pecunias, possessiones, alias multas facultates, coniungit cum matrimonio cuidam illustri foeminae Alexandrinae, & breui eum reddit ex obscuro nobilem, ex abiecto insignem, ex paupere diuitem: studens ostendere esse verissimum diuinum illud verbum, quod dicit se non vidisse iustum derelictum, neque semen eius quærens panem.

Simeon Metaphrastes in vita S. Ioannis Eleemosynarij. Testamentum, S. Ioannis Eleemosynarij.

CAP. XII.

CVM Ioannes Eleemosynarius in suam ciuitatem peruenisset Amathuntem, iussit Scribis vt scriberent testamentum, quod sic habebat: Ioannes humilis quidem seruus seruorum Dei, propter autem mihi impositam pontificatus dignitatem, gratia Christi liber